



Kommunalbestyrelsi 30. marts 2022 nal. 10:00

Kommune Qeqertalik Kommunalbestyrelsi
04-2022

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq:

Ane Hansen, IA

Allatsi:

Kulunnguaq Reimer Olsen

Ataatsimiinneq:

Teamsikkut

KOMMUNE QEQERTALIK
NIELS EGEDES PLADS 1, POSTBOKS 220, 3950 AASIAAT

ULLORMUT OQALUSERISASSAT

22-014 Tapiisarnermut ileqqoreqqusap nutarterneqarnera	3
22-015 Kommune Qeqertalimmi eqqaaveqarnermut tunngasumik pilersarusiornissaq	7
22-016 Deloittep kukkuneruiisutut 2020-mut nalunaarutaata kiisalu kommunip tassunga akissutaata saqqummiunneri.....	9
22-017 ESANI A/S - piginneqataassutinik qularnaveeqqusiineq	12
22-018 Sanaartornermut- aamma iluarsartuussinernut Aningaasaateqarfimmik pilersitsineq.	16
22-019 Upalungaarsimaneq pillugu ataatsimiititaliamut ilaasortassamik ataatsimik qinersineq	18
ILISIMATITSISSUTIT	20
22-020 Immikkut qinnuteqaat innarluutillit pillugit naalakkersuisoqarfimmut nassiunneqarpoq	20
22-021 Borgmesterip kommunalbestyrelsi sinnerlugu aalajangernera pillugu ilisimatitsissut	22
22-022 Piffissami februar 2022-mi naatsorsuutit pillugit ilisimatitsineq	23
ATAATSIMIINNEQ NAAVOQ:	24
ATSIORFISSAQ:.....	24

Oqaluuserisag	Oqaluuserisassat akuerineqarnerat
----------------------	--

Oqaaseqaatit:**AALAJANGERNEQ:**

--

Suliap nr.	22-014	Ilanngussap normua	14	Journal nr.	
Eqqartugaq	22-014 Tapiisarnermut ileqqoreqqusap nutarterneqarnera				

EQIKKAANEQ:

Kommune Qeqertalimmi Tapiisarnermut ileqqoreqqusaaq pisoqalisooq ullutsinnut naleqqussarlugu suliareqqinneqartariaqarpoq. Kikkut qanorlu annertutigisumik taperneqarsinnaaneri ileqqoreqqusami ersissapput. Aammalu Avannaata qimussersuanut tunngatillugu allannguutit ilanngunneqarsimassallutik.

SULIAP SAQQUMMIUNNEQARNERA:

Tapiisarnermut ileqqoreqqusaaq nutarterneqarnissaanut pissutaavoq maanna atuuttoq Qaasuitsup Kommuniungallarmalli malitsigisaanik malinnaaginnarsimavoq, Kommune Qeqertallip anguniangaanut tulluarsarneqarani. Allassimasut kukkuneqartut, allassimasut kikkunnut tunngasut ersernerluttut assigisaalu. Matumani nutarterinermi ersarissumik allassimasut ilanngussami takuneqarsinnaapput.

Aningaasaliissutaasimasut aamma ersarissumik aningaasaqarnikkut naatsorsuutit (Regnskab) pisalernissaq sukannersumik piunasaqaatit ilaalissaaq.

Aalasa peqataaffigiartulernerani aamma Meeqqat inuusuttuaqqallu 18 inorlugit ukiullit timersorneq aqputigalugu angalasarnermut taperneqarsinnaanerat qaffanneqassaaq tamannalu 60%-miit 90%-ngorlugu qaffanneqassaaq.

Allannguutit ilangivaat inoqarfinni 1.500 inorlugit innuttaasulinni inersimasut 18-niit qummut ukiullit timersornikkut unammersuarlutik angalasarnernut 80%-miit 70%-mut apparneqarpoq, aningaasatigut nammassinnaanerunissaa 18 inorlugit ukiullit procent qaffariarnerani iluarsiissuteqartariaqarmat.

Siunnersuutigineqartoq Illefissarsiutileqatigiinnut tapiisarneq ilanngunneqanngilaq, taamaattorli peqatigiiffittulli allatut katersuiniarnissanut qaammarsaanerit TIMI TARNImiit ingerlanneqarnerulissapput peqatigiiffinnut tamanut.

Taamatuttaaq atuartut paasisassarsiorlutik angalasarnerani qinnuteqarsinnaanermut periarfissaq ilanngunneqarsimangaluartoq peerneqarpoq, nammineq aningaasannanniarlutik ingerlatsisarnerat ingerlalluarmat maanna ingerlanermisut. Aanna nammineq atuartut angajoqqaavi katersiniarnermut suliniuteqartarnerat ajunngitsumik ingerlavoq. Taamaasilluni kajumissutsimik sulinerat ingerlatiinnassaaq Kommunemiit tapiutinik naatsorsuuteqaannanngikkaluarlutik.

TIMI TARNImi atorfilinnut tusarniaaneq ingerlanneqarpoq, kingornalu aamma innuttaasunut peqatigiiffinnut tusarniutigineqarpoq (Takukkit siunnersuutit ilanngussaaq 3-mi). Tusarniaarnermi annerusumik maluginiagassaapput peqatigiiffimmiit ataatsimiit meeqqanut tapiisarneq 90%-ngortinnagu 100% anguneqarusuttoq. Tamanna allannguuteqassanngitsoq inassutigeqqunarpoq. Avannaata qimussersuanut tapiisarneq ukioq allorlugu pisartussaaq akerliuffigineqarpoq peqatigiiffimmiit ataatsimit. Tamannattaaq allanngortinneqassanngitsoq inassutigeqqunarpoq. Peqatigiiffiit ataatsimeersuarnerannut peqataatitsinissamut taperneqarneq itigartitsissutigineqarsimasooq ersarinnerusumillu ilanngunneqarnissaa siunnersuutaanani. Skivemut atuarfik aqputigalugu atuartunik aallartitsisarnermi taperneqarsinnaaneq periarfissaalernissaa. Angajoqqaat susassaartitsiutingalutik aningaasannanniartarnerat ingerlanneqaannassasooq inassutigeqqunarpoq.

U7-niit U15 tikillugu taperneqarsinnaaneq periarfissaannginnera apeqquserneqarpoq, tamanna GIF akuerisaani ilaannginnerannik peqquteqartumik. Saaffiginissut GIF-imut saaffiginissutaanissaa innersuunnarpoq, U7-niit U15 akuerisaasumik unammersuarnerut akuerineqarnissaanik

saaffigineqqussummik. Kommunitsinni immikkut akuerisannngortinngikkaluarlugu. Kajumissutimik sungiusaasut 18-leereersunut akissarsitineqartalernissaat eqqartorneqarsinnaavoq. Kisianni oqaaseq kajumissutsimik atornissaa tulluarunnaassaaq. Allannngortinnagu taamaaginnarnissaa inassutigeqqunarpoq. Isikkammik aammalu assammik arsarnermut sungiusaasoqartarneri (Håndbold- & Fodboldskole) allanut aamma timersuutitut periarfissaalernissaa. Soorlu ataartut. Kredsmesterskab-ertut taperneqartalernissai, Qeqertallip inoqarfiinnaaniingikkaluartut aamma, soorlu Ilulissaniissappat. Taakkuunerupput tusarniaanermi qisuariaatigineqartut.

Aningaasaliissutit sinaakkutit iluani annertunerulerpata timersornikkut kulturillu iluanni siuarsaanernut atorluarneqarsinnaapput. Assersuutigalugu timersornikkut sungiusarnermi atortorissaarutit ikiuutaalluarsinnaasut pisaarineqarsinnaapput, kulturikkut aammalu sunngiffimmi sammisassani atortorissaarutit inerisarneqarsinnaapput. Tamannalu pisinnaalluni aatsaat qulaani % qaffannerani immikkut aningaasat ilaneqassappata.

ANINGAASATIGUT KINGUNISSAI:

Atuutsilerneranili ersarissumik sinaakkutinngornerani aningaasaliissutit ukiumut sinaakkutit iluaniittut atorfissaminut atorneqarsinnaalernissai qulakkeerneqassaaq.

Meeqqanut inuusuttunullu 18 inorlugit ukiulinnut timersorneq aqutigalugu angalanermut aningaasartuutaannik 90%-mik tapiisalerutta Kommunalbestyrelsemiit sinaakkutitut missigersorlugu 150.000kr annertuliisoqassaaq. Taamaangippat Avannaata qimussersuanut aammalu inersimasut unammiarlutik angalanermut inoqarfinni 1.500 inorlugit inulinniit aningaasaliissutit % apparneraniit matussusiisoqassaaq tamakkinngikkaluarlugu. Taamaattoq siunertanut inerisaanermullu atorneqarsinnaangaluartut matussusiinermut atorneqassapput.

U18 90%-mut qaffannera aningaasatigut 151.001,46 kr. aningaasartuutaaffiunerulissaaq.

Inoqarfiit 1.500 inorlugu inuttussuilinni tapiisarneq 80%-miit 70%-mut apparneranut 49.932,56kr-mik aningaasartuutaasartunik atuinikinnerulertitsissaaq.

Avannaata qimussersuanut tapiissutaasartunut 60%-miit 40%-mut apparneranut 92.168kr-mik aningaasartuutunik atuinikinnerulersitsissaaq.

Missigersorneri imminnut matussusiissappata -8.900,90 kr. missaaniissaaq. Taamaattoq qulaani missigersuutit annerusinnaallutillu minnerusinnaapput, illoqarfiit unammiarfiit sumiiffii apeqqutaqqinnaartarmata.

KINGUNISSAT:

Tapiissutunik pissarsisartunut aammalu TIMI TARNImiit ileqqoreqqusat paasiuminarnerulerlutillu ersarninninngussapput, oqaaserpassuit atunngikkaluarlugit allattorsimalermata. Kingunerissavai aningaasat sinaakkutit iluaniittut atorfissavimminut atorneqarsinnaalernissai.

Kulturimut attuumappata sunngiffimmut attuumappata aammalu timersornermut pitsaaliuinerimullu attuumappata eqqortumik aningaasaliissutaasalernissaanik kinguneqassaaq.

Avannaata qimussersuanut tapiissutaasartut % apparipat aammalu ukioq allorlugu pisalerpat aningaasaliissutaasartut allanut siuarsaanermut ingerlatsinermullu atorluarsinnaalissapput.

Meeqqat timersoriarniarlutik angalasartut pissarsilluarsimallutik misigisaqangaarsimallutillu unammiareerlutik inuttut ineriartuutigisaminnik angalasinnaanerat oqinnerulissaaq.

INATSISITIGUT TUNNGAVIUSOQ

- Kommune Qeqertalimmi Inuit Ataqatigiit Atassullu politikikkut suliassatut pingaartitat anguniagassallu 2021-2025-mi 9-mi "Tapiisarnermut ileqqoreqqusap nutarterneqarluni aallartinneqarsimasup nangeqqinnissaa"
-

SULIAP SULIARINEQARFIA:

Ataatsimiititaliaq TIMI TARNI

Ataatsimiititaliaq INUA

Kommunalbestyrelse

INASSUTEQAAT:

- Allattoqarfiup Ataatsimiititalianianut inassutingaa Tapiisarnermut ileqqoreqqusaq siunnersuutit allassimasup tusarnutigineqareersullu imarisaa allanngornagu atuutsilernissaa akuereqqullugu.
- Inassuteqaatigalugulu aningaasanik qaavatigut TIMI TARNImi 150.000 kr. timersornermut missigersuutip sinaakkutaannut annertuliisoqassasoq akuereqqullugu.

ILANNGUSSAT:

Ilanngussaq 14-01 – Tapiisarnermut ileqqoreqqusaq 2022

Ilanngussaq 14-02 – Tilskudsvedtægt 2022

Ilanngussaq 14-03 – Tusarniaanermi akissuteqaatit

Ilanngussaq 14-04 – Avannaata Qeqertarsuaq 2017

Ilanngussaq 14-05 – Tapiisarneq missigersuut

Ilanngussaq 14-06 – Kangaatsiaq Timersornikkut kulturikkullu tapiissutit

Ilanngussaq 14-07 – U18 Qeqertarsuaq 2018

Ilanngussaq 14-08 – O18 Qeqertarsuaq 2019

Ilanngussaq 14-09 Karl Thue Nathanielsenip Kommune Qeqertalimmi tapiisarnermut ileqqoreqqusap allanngornissaanut siunnersuutaa

AALAJANGERNEQ:

Ataatsimiititaliaq Timi Tarni ulloq 10. Marts 2022 ataatsimiinnerani aalajangerneq:

Inassuteqaat akuerineqarpoq.

Paragraf 9 peerneqarnissaa innersuussutigineqarpoq. Majoriamiit tapiisarnerit ingerlanneqarmata aqunneqarlutillu.

Siumut: Avannaata Qimussersanut tapiissutaasartut 60%-imiinginnarnissaa kissaatingaa.

INUA-nut ingerlateqqissooq.

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

Siumut: Avannaata Qimussersuanut tapiissutaasartut 60%-imiinginnarnissaa kissaatigaa.

Ataatsimiititaliaq Timi Tarnimik inassuteqaataa Kommunalbestyrelsimut ingerlateqqinneqarnissaa akuerineqarpoq.

AALAJANGERNEQ:

Suliap nr.	22-015	Ilanngussap normua	15	Journal nr.	
Eqqartugaq	22-015 Kommune Qeqertalimmi eqqaaveqarnermut tunngasumik pilersaarusiornissaq				

EQIKKAANEQ:

Kommune Qeqertalimmi eqqaaveqarnermut pilersaarut suliarineqarnikuvoq. Tassunga atatillugu nuna tamakkerlugu Kommune Qeqertalik suliniummut peqataavoq, ESANI. Suliniut aallartisarnissaanut eqqaaveqarnermut pilersaarut sulerusissanik aalajangiiffiqartussaavoq.

SULIAP SAQQUMMIUNNEQARNERA:

Kommune Qeqertalik eqqakkat suliniuteqarfiginissaanut nuna tamakkerlugu piginneqartigiiffimmut ESANI-mut ilanngunnikuvoq. ESANI-mi suliniutit aallartisarnissaanut eqqakkat kommunitsinni suliareqqinnissaanut pilersaarummik aallartitaqartoqarnikuvoq.

Pilersaarummut atatillugu aalajangigassat sullissinermut tunngasut pisariaqartinneqarput. Suliffeqarfik ESANI ataavartumik ingerlalnissaanut Kommune Qeqertalik eqqakkat inatsit avatangiisinut tunngasoq naammassiniartusasavaa. Tassa inatsimmi piumasaqaatit sukannersut naammassissangaanni suleriutsinik sullissinermut tunngassuteqartunik naleqqussartoqartussaavoq.

Naleqqaussaatisat ilangaat eqqakkat suliarinerannut qanoq inoqarfimmiit ikuallaaveqanngitsumiit suliareqqiffissaanut ingerlateqqittarnissaat.

Allattoqarfimmiit siunnersuutigineqartut ataani allattoqqapput:

Eqqakkat ikuallanneqarsinnaasut:

Inoqarfinniit eqqakkat Aasiannut ikuallaavimmut ingerlateqqinnissaat pilersaarusiorneqassaaq. Assartuinissamullu akinik aallerfingineqarlutik.

Eqqakkat ikuallanneqarsinnaanngitsut suliareqqinnissaannut nassiunnissaannullu pilersaarummi suliarineqartumi siunnersuutigineqarput.

Eqqakkat suliareqqinnissaannut eqqakkat annertussusaat aallaavigalugit eqqakkanik suliarinninnissaq ingerlanneqassaaq.

ANINGAASATIGUT KINGUNISSAI:

Eqqakkat assartornissaannut inoqarfinniit akinik aallernermi aki tunngaviusussaq nassaarineqassaaq. Misilittakkat malillugit kommunitsinni assartuutitut atuuttarnikut tunngavigingaanni 200 m³ missingersorneqarsinnaavoq kr. 40.000 missaani. Taanna aki siorartaat assartuitinnerani ataasiarnermi akigititaasartoq saqqummiunneqarpoq. Erseqqissaatigineqassaaq akimik aallernermi assartuisinnaasut neqeroortinneqanngimmata suli.

KINGUNISSAT:

Eqqakkanut pilersaarut naammassilluni suliarineqarpat Kommune Qeqertalimmi eqqakkat ikuallanneqarsinnaasut ikuallanneqarsinnaanngitsullu suliareqqinnissaanut Kommune Qeqertalik suleriutsimik tingussaasumik malitassaqalissaaq.

INATSISITIGUT TUNNGAVIUSOQ

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq

SULIAP SULIARINEQARFIA:

Ataatsimiititaliaq Inoqarfik – Ataatsimiititaliaq Inua – Kommunalbestyrelse

INASSUTEQAAT:

Allattoqarfiup ataatsimiititaliaq Inoqarfik, Ataatsimiititaliaq Inua aammalu Kommunalbestyrelsimut inassutigaa:

Kommunip eqqakkat pillugit pilersaarut tusarniutissanngorlugu akuerissagaa.

ILANNGUSSAT:

Ilanngussaq 15-01: Kommunip eqqakkat pillugit pilersaarutaa

Ilanngussaq 15-02: Eqqakkat nalunaarsorneri - eqikkaaneq

Ilanngussaq 15-03: Inoqarfinni eqqakkat annertussusiisa missingersorneri

Ilanngussaq 15-04: Suliassat nalilersorneri

Ilanngussaq 15-05: Eqqakkat sularinerini aningaasartuutissat missingersorneri

Ilanngussaq 15-06: Tidsplan

AALAJANGERNEQ:

Ataatsimiititaliaq Inoqarfik ulloq 8. Marts 2022 ataatsimiinnerani aalajangerneq:

Piaartumik qanoq eqqakkanik poortuisarneq eqqarsaatigalugu naleqqussarsimatigineq misissorneqassasoq kissaatigineqarpoq, aamma ukioq manna eqqakkat assartorneqarnissaat pisariaqartitsivissuniit ataavartumik ingerlanneqassasoq aalajangerneqarpoq, upernarpallaartinnagu qulaajaaneq ingerlanneqassasoq ilanngullugu aamma aalajangerneqarpoq. Inassuteqaat akuerineqarpoq, suliaq suliareqqinneqassaaq.

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Suliap nr.	22-016	Ilanng. nr.	16	Journal nr.	
Oqaluuserisassaq	22-016 Deloittep kukkuneriusutut 2020-mut nalunaarutaata kiisalu kommunip tassunga akissutaata saqqummiunneri				

UTEQQIINEQ:

Deloittep kukkuneriusutut 2020-mut nalunaarutaata kiisalu kommunip tassunga akissutaata saqqummiunneri

SULIAP NAAMMASSINISSAA:

Kommune Qeqertalimmi ataatsimiititaliap Inuap kommunalbestyrelsimit ulloq 29. april 2021-mi kukkunerisiorneqartussatut akuerisinnarlugit nassiussai ukioq 2020-mut naatsorsuutit saqqummiussai maanna kukkuneriusutut kukkunerisiorlugit naammassivaat.

Tamatuma kingorna Deloitte ima inerniliivoq:

Ukiumut naatsorsuuseriffiusumut 01.01.2020 – 31.12.2020, Kommune Qeqertaliup ukiumoortumik naatsorsuutai kukkunerisiorpavut.

Ukiumoortumik naatsorsuutit quppernemi 32-47-niipput, ilanngullugit naatsorsuutit nassuiaataat, an- gusat nalunaarsorneqarnerat, oqimaaqatigiissitsineq, aningaasat kaaviiartitat nalunaarsorneqarnerat, ilanngussat, naatsorsuuserinermi periuseq atorneqartoq kisitsisinik pingaarnernik makkuninnga imalik:

- Ukiumi angusat 23.356 t.kr. (sinneqartoorutit)
- Pigisat tamarmik katinnerat 219.020 t.kr.
- Nammineq aningaasaatit (kontomi aningaasaatit) tamarmik katinnerat 196.130 t.kr.

Ukiumoortumik naatsorsuutit saqqummiunneqarput Kommunit aamma Namminersorlutik Oqartussat missingersuutaat aamma naatsorsuutaat pillugit Inatsisartut inatsisaat nr. 26, 28. november 2016- imeersoq naapertorlugu (Missingersuusiortarnermut inatsit).

Uagut paasinnittaaserput naapertorlugu ukiumoortumik naatsorsuutit sutigut tamatigut eqqortunik takutitsipput, tamanna isumaqarpoq Kommunit aamma Namminersorlutik Oqartussat missingersuutaat aamma naatsorsuutaat pillugit Inatsisartut inatsisaat nr. 26, 28. november 2016- imeersoq naapertorlugu suliarineqarsimasut (Missingersuusiortarnermut inatsit).

Deloitte ukiumut naatsorsuutini kukkunersiuereerlutik ima kukkunersuiusutut oqaaseqaasiortut:

Nr.	Kukkunersuiusut oqaaseqaataat	Innersuut	Pissutsit
2020-01	Kommunalbestyrelsimi ilaasortat akissaataannut aaqiissutissat amigaataasut		Ammavoq
2020-02	Kontonik naleqqatigiissitsinermi amigaatit		Ammavoq
2020-03	Kommunimi sanaartornermi suliniutit nalunaarsorne-qarnerannik pissarsisoqarsinnaasimangilaq, tamatuma kinguneranik inatsisitigut pisussaaffik naapertorlugu kukkunersuineq amigaaqarsinnaavoq		Ammavoq
2020-04	Aningaasartuutit aamma isertitat kukkusumik piffissalersugaanerannut aarlerinaatit		Ammavoq
2020-05	Aningaasaqarnermik aqutsissummi nutaami akiliga-ssaqarfiit tunngaviusumik paasissutissartaat		Ammavoq
2020-06	Missingersuutini malittarinninnermi uppersaaneq		Ammavoq

Ukiut siuliini kukkunersuiusut oqaaseqaataannut malitseqartitsineq

Nr.	Kukkunersuiusut oqaaseqaataat	Innersuut	Pissutsit
2018-01	Suleriaatsit allaaserineqarnerat	4.1. 5.1. & 6.1.	Ammavoq
2018-02	IT-mik nakkutilliissutit nalinginnaasut	4.2.	Ammavoq
2018-03	Ingerlaavartumik nalunaarutiginninnerit soorluttaaq uki-umoortumik naatsorsuutit pillugit uppersaaneqarup pitsaassusiannik qulakkeerinninnerit	4.6. – 4.7.	Ammavoq
2018-04	Inummut paasissutissat pillugit inatsit	5.2.3.	Ammavoq
2018-05	Aqutsisut sulianik nakkutilliinerat	5.3.1. & 5.4.4.	Ammavoq
2018-06	Aningaasaliissutini eqquutsitsineq	5.4.2.	Ammavoq
2019-01	Isumaginninnikkut suliassaqarfimmi sulianik ingerlatsinerup pitsaassusia	3.1.1.	Ammavoq

2019-02	Akissarsialerineramik suliassaqarfimmi suliat pitsaassusiat	3.1.2.	Ammavoq
---------	---	--------	---------

Kommunip oqaaseqaatit qulaani allassimasut misissoreerpai aamma oqaaseqaatit ataasiakkaat akissutaat ilanngussatut nassiullugit. Kommunip oqaaseqaatit tamakkerlugit tusaatissatut tiguai aamma immikkoortut maanna tamakkerlutik suliarineqalereerput imaluunniit suliarineqartussanngussapput.

ANINGAASATIGUT KINGUNISSAI:

Inassuteqaat kommunip aningaasaqarneranut kinguneqassanngilaq.

KINGUNISSAT:

Inassuteqaat kinguneqassanngilaq

INATSISITIGUT TUNNGAVIUSOQ

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kiisalu Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuiusoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq.

INASSUTEQAAT:

Allattoqarfiup inassutigaa, ataatsimiititaliaq INUA-ta kukkunersuiusut 2020-mut oqaaseqaatai aamma kommunip oqaaseqaatinut akissutai akuerissagai, kiisalu kommunalbestyrelsimit akuerineqartussanngorlugit kommunalbestyrelsimut nassiutissagai inassuteqaataalluni.

ILANNGUSSAT:

Ilanngussaq 16-01 Deloittesip kukkunersuiusutut Kommune Qeqertalimmut ukioq 2020-mut oqaaseqaatai DK aamma GRL

Ilanngussaq 16-02 Kommunip ukiumut kukkunersuiusut oqaaseqaataannut akissuta DK aamma DA

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Suliap nr.	22-017	ilanngussap nr.	17	Journal nr.	
Sammisaq	22-017 ESANI A/S - piginneqataassutininik qularnaveeqqusiineq				

EQIKKAANEQ:

ESANI A/S Nuummi Sisimiunilu ikuallavissap aningaasalersorneqarnissaanut attartornissamut neqeroorusiortitsivoq. Attartortitsinissamut neqeroorut ulloq 17. december 2021 Suliffeqarfimmit nangaanartoqartitsilluni akuerineqarpoq. Attartukkat qulakkeerneqarnissaat nangaanartoqarnera eqqarsaatigalugu politikkikkut suliarineqassaaq.

Kommunip ESANI-mi piginneqataasutaasa qularnaveeqqusiinneqarnissaat Kommunalbestyrelsimit aalajangiunneqarsimavoq, tqak. suliaq 22-005.

Uannga suliamik saqqummiineq attartornermut atatillugu suliffeqarfiup nammineerluni qularnaveeqqusiineranut tunngassuteqarpoq.

SULIAP SAQQUMMIUNNEQARNERA:

Kommune Qeqertalik ESANI A/S-imi 25 %-imik piginneqataavoq Allat piginneqataasut tassaapput Kommuneqarfik Sermersooq, Qeqqata Kommunua aamma Kommune Kujalleq, tamarmik immikkut aamma 25 %-inik suliffeqarfimmut piginneqataassuteqartut.

Ulloq 24. februar 2022 Kommune Qeqertaliup suliffeqarfimmik piginneqataassutini qularnaveeqqusiutissagai kommunalbestyrelsimit aalajangerneqarpoq.

ESANI-mi piginneqataassutininik qularnaveeqqusiinissamut suliaqarnermut atatillugu paasineqarpoq suliffeqarfiup nammineerluni ikuallaavinnik qularnaveeqqusiiniarnera eqqarsaatigalugu ajornartorsiutitaqartoq.

Ajornartorsiutaasoq tassaavoq, kommunip suliffeqarfiutai pigisaminnik (illuutininik) qularnaveeqqusiinnaangitsut kommunalbestyrelsi akuersiteqqaarnagu. Kommunit ataatsimoorussamik suliffeqarfiutaa eqqarsaatigalugu imaappoq, kommunit piginneqataasut tamarmik sisamaasut kommunalbestyrelsii akuersitinneqqaartussaammata.

Kommunalbestyrelsit suliffeqarfinnut taamaallaat akuersisinnaapput, suliffeqarfik minnerpaamik 25 % akiliisinnaassuseqarpat. Tamatuma saniatigut suliniut imminut aningaasaqarnikkut napatissinnaasuseqartussaavoq. Tassa imaappoq, ikuallaavinnit isertitat sanaartukkanik nappaanernut aningaasartuutitut minnerpaamik aningaasalersuutaassasut, soorlu aammattaaq ungasinnerusoq eqqarsaatigalugu aningaasaqarnerup nappanneqarsinnaaneranut attartorneq sunniuteqassanngitsoq.

ESANI aningaasaqarnikkut imminut napatinnisamik piumasaqaatinut naammassinnippoq aammalumi ungasinnerusoq eqqarsaatigalugu kommunimut piginitumut ajorisassanngitsumik sinneqartoortutinik tunniussaartasalluni. ESANI minnerpaamik 25 %-inik akiliisinnaassuseqarnissamut piumasaqaammut maannakkorpiaq naammassinngilaq. Suliffeqarfiup akiliisinnaassusaa pitsanngorsaqqaarneqassaaq kommunalbestyrelsi qularnaveeqqusiinissamut akuersissuteqassappat.

Taamaattumik kommuni piginnittusoq Aningaasaqarnermut aamma Naligiissitaanermut Naalackersuisoqarfimmit ataatsimiinnissamut aggersarneqarpoq. Ataatsimiinnermi aamma Nunalerinnermut, Imminut Pilersornermut, Nukissiutitut Avatangiisinullu Naalackersuisoqarfik 50 mio. kr.-inik suliffeqarfimmut tapiisimasoq, ESANI aamma suliffeqarfiup kukkunersuisua Deloitte peqataapput. Aningaasaqarnermut aamma Naligiissitaanermut Naalackersuisoqarfiup ataatsimiinnermi kissaatigaa,

suliffeqarfiup akilisinnaassusaata qanoq pitsanngorsarneqarsinnaanera pillugu periusissat eqqartorneqarnisaat. Ajornartorsiummut ataatsimoorussamik aaqqiissuteqarniarnissaq ataatsimiinnermi isumaqatigiissutigineqarpoq.

Eqqartueqatigiinnerit missueqqissaarnerillu tunngavigalugit Aningaasaqarnermut aamma Naligiissitaanermut Naalackersuisoqarfik ulloq 24. februar 2022 allakkatigut nalunaaruteqarpoq aaqqiissutissamik siunnersuuteqarluni. Iluseq naapertorlugu Avatangiisinut aningaasaateqarfiup suliffeqarfimmut tapiissutai 50 mio. kr.-isut suliffeqarfimmiit kommunimut nuunneqassapput, kommuni suliffeqarfimmut aningaasaliissuteqarnissaanik piumasaqaaserlugu.

Tamatuma saniatigut suli 10 mio. kr.-it suliffeqarfimmut aningaasaliissutigineqassapput. Annertunerusumik aningaasaliissuteqarnissamut pisariaqartitsineq Avannaata Kommunea ukioq 2021 piginneqataajunnaarniarluni aalajangerneranik pissuteqarpoq. Naalackersuisoqarfiup siunnersuutigaa kommunit piginneqataasut tamarmik suli 2,5 mio. kr.-nik suliffeqarfimmut aningaasaleeqqissasut.

Aningaasaqarnermut Naligiissitaanermullu Naaalackersuisoqarfiup kommunit piginnittut aaqqiissutissatut iluseq isummerfigeqqullugu piumaffigisimavai kingusinnerpaamillu ulloq 25. marts 2022 nalunaaruteqaqqullugit..

Aqutsisut inassutigaat, Aningaasaqarnermut aamma Naligiissitaanermut Naalackersuisoqarfik nalunaaruteqassasooq aaqqiissutissatut ilusermut Kommune Qeqertalik ilanngutissasooq, taamaalilluni Avatangiisinut Aningaasaateqarfiup tapiissutai kommunimut piginnittumuit tunniunneqassasut ESANI-mut aningaasaliissuteqarnissamut pisussaaffilerlugu. Tamatuma saniatigut aqutsisut siunneruutigaat, suli 10 mio.kr.-inik aningaasaliissuteqarnissaq pillugu Aningaasaqarnermut Naalackersuisoqarfimmut oqaloqatiginnittoqassasooq. Avannaata Kommunian ESANI-mut piginneqataasunut ilannguteqqinnissani kissaatigineraa ilaatigut misissorneqartariaqaraluarpoq. Tamatuma saniatigut Avatangiisinut Aningaasaateqarfimmiit imaluunniit allatigut namminersorlutik oqartussaata aningaasalersugaanik suliffeqarfiup aningaasanik pisariaqartitaanik matussutissanut 10 mio.kr.-inik tapiissuteqartoqarnissaa qulakkeerniarlugu misissuisoqartariaqaraluarpoq. Piginnittumit nutaamiit imaluunniit Namminersorlutik Oartussaniit 10 mio. kr.-inik tapiisoqarnissaanik qulakkeerinittogangippat aqutsissut inassutigaat ESANI-mut Kommune Qeqertalik immikkut ittumik suli 2,5 mio. kr.-inik aningaasaleeqqissasooq.

Aaqqiissutissatut iluseq pillugu suliamik saqqummiussaq kommuninik allanik piginneqataasunut kiisalu Namminersorlutik Oqartusanut oqaloqatiginninnissamut aqutsisunut piginnaatitsissummik tunniussivoq. Ikuallaavinnik qulanaveequsiinissap sukkasuumik qularnaarneqarnissaa suliffeqarfimmit pisariaqartinneqarmat, ESANI-mut suli 2,5 mio.kr.-inik suliffeqarfimmut aningaasaleeqqinnissamut Borgmesteri pisinnaatitsissummik tyunineqassaaq kiisalu suliffeqarfik ikuallaavinnik qulanaveeqqusiinissamut akuersissummik piumasaqaatinut naammassinninnera nalunaarutigalugu.

Ataatsimititaliaq Inua aamma Kommunalbestyrelsi aaqqiissutissatut iluseq pillugu ilisimatinneqassapput tamatumalu malitsigisaanik kommunip iliuusissai ilanngullugit.

ANINGAASATIGUT KINGUNEQAATIT:

Qeqertalik Kommune 12,5 mio. kr.-inik Avatangiisinut Aningaasaateqarfimmiit tapiisutiniq tigusaqarpoq. Tapiissutit suliffeqarfimmut aningaasaliissutit aningaasaliissutigineqassapput imaluunniit ESANI-mut attartornermi akisussaasutut tunniunneqarlutik.

Kommuni suli 2,5 mio. kr.-nik ESANI-mut suliffeqarfimmut aningaasaliissuteqarpoq attartornermi akisusaalluni. Immikkut aningaasaliissuteqarneq suliffeqarfiup aningaasaataannut tigorianaataanut sunniuteqassaaq, taamaattorli ingerlatsinermut missingersuutitut sunniuteqassanani. Suliffeqarfimmut

immikkut aningaasaliissutit oqimaaqatigiissitsinermut kontererneqassaaq.

Kommunip pilersaarutaasutut akisussaasutut attartornermi 2023 aningaasaliissutai, tak. kommunalbestyrelsip suliaq 21-022-mik suliarinninnera, 2022 akiliutigineqartussatut siuartinneqarpoq.

KINGUNEQAATIT:

Suliffeqarfiup aningaasanut atorniartarfinnurt qulanaveeqqusiinissamut akuersissut ukioq 2022-imut kommunip naatsorsuutaanut allanneqassapput.

Sanaartornermi attartukkat atorsinnaalerniarlugit kiisalu piffissaq ungasinnerusooq eqqarsaatigalugu aningaasalersuinnissamut ESANI ikuallaaviit qulanaveeqqusiunnissaannut akduerineqaaqassaaq.

Sanaartornermi attartukkat ESANI-mit atorineqarsinnaanngippata sanaartukkat aningaassalaersornissaannut allanik periarfissarsiortariqaqassaaq. Tamanna suliniummik kinguaattoortitsissaaq akisunerulersitsillunilu. Naggataatigut eqqakkanik ikuallanneqarssinnaasunut aningaasartuuteqarnerunermik kommunimut kinguneqassaaq.

Inatsit tunngaviusooq:

- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qulanaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq.

SULIAP SULIARINEQARFIA:

Aalajangerneq ataatsimiititaliaq Inua-mi aamma Kommunalbestyrelsimi suliarineqassaaq. Tamatuma saniatigut kommunip piginneqataasunit allanit aamma Naalakkersuisunit, inatsisartut Aningaasaqarnermut- aamma akileraartarnermut Ataatsimiititaliaanit suliarineqassaaq.

Aningaasaliissutinik qaffaaneq suliffeqarfiup ataatsimeersuarnerani aammattaaq suliarineqassaaq.

INASSUTEQAAT:

Qullersaqarfik Ataatsimiititaliaq Inoqarfimmut ima inassuteqarpoq:

- Aqutsisut pisinnaatinneqassasut Aningaasaqarnermut aamma Naligiissitaanermut Naalakkersuisoqarfimmut nalunaaruteqassasut, Avatangiisinut aningaasaateqarfimmiit tapiissutit allanngortinneqassasut kommunimullu tapiisutitit tunniunneqarlutik aammalu taakku tapiissutit kommunimit ESANI A/S-imullu aningaasaliissutitut tunniunneqarnissaat Kommuni Qeqertaliup akuerissagaa.
- Aqutsisoqatigiit Aningaasaqarnermut aamma Naligiissitaanermut Naalakkersuisunut nalunaaruteqarnissamik pisinnaatinneqassasut, taamaalilluni KommuneQeqertalik ESANU A/S-imut 2,5 mio. kr.-it angullugit aningaasaliissuteqarsinnaasoq, piginneqataasut amerlinggippata imaluunniit Namminersorlutik Oqartussaniit amerlanerusunik tapiissutisinnikkunik.
- Borgmesteri pisinnaatinneqassasooq 2023-imut pilersaarutaasutut 3,3 mio. kr.-it aningaasaliissutissat 2022-imut siuartinneqassasut, tak. suliaq 21-022.
- Borgmesteri pisinnaatinneqassasooq ESANI A/S-imut 2,5 mio. kr.-it angullugit suliffeqarfimmut aningaasaliissuteqassasooq imaluunniit attartortutut akisussaasutut aningaasaliisutut.
- Borgmesteri pisinnaatinneqassasooq, Avatangiisinut Aningaasaateqarfimmiit tapiissutinik tigusaqarnissaaq kiisalu suliffeqarfimmut taakku aningaasaliisutitut atorineqarnissaat tapiissutitut aningaasaliissutit pilersissagai aamma akuerissagai.
- Borgmesteri Kommunalbestyrelsi sinnerlugu pisinnaatinneqassasooq, ESANI A/S-mut nalunaaruteqassasooq ikuallaavinnut A-nr. 957-0800-01412 Sisimiunittumut aamma A-nr. 956-0600-11667 Nuumiittumut taanna qulanaveeqqusiissasooq suliffeqarfiup Kommunit suliffeqarfinnik

pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersumi § 3 naammassisimappagu. Akuersissut ukioq 2022-imut kommunip ukiumoortumik nalunaarusiaanut ilanngunneqassaaq.

- - suliaq aalajangiiffigisassanngorlugu Kommunalbestyrelsimut ingerlateqqinneqassasoq

ILANNGUSSAT:

Ilanngussaq 17-01 Brev fra Finansdept. brev om kombest godkendelser til ESANI_24-02-2022_KAL

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat amerlanerussuteqartut akuerivaat.

Siumut: inassuteqaatinik akuersinngilaq.

AALAJANGERNEQ:

--

Suliap nr.	22-018	ilanngussap nr.		Journal nr.	
Sammisaq	22-018 Sanaartornermut- aamma iluarsartuussinernut Aningaasaateqarfimmik pilersitsineq				

EQIKKAANEQ:

Ukioq 2021-mi missingersuusiornermut- aamma naatsorsuuserinermut inatsisip allanngortinneqarneratigut Kommunit periarfissaqalerput sanaartornermut- aamma iluarsartuussinernut aningaasaateqarfimmik pilersitsinissamat. Una suliamik saqqummiineq atorlugu Kommune Qeqertalik naatsorsuuserinermi teknikkikkut ssanaartornermut- aamma iluarsartuussinernut aningaasaateqarfimmik pilersitsivoq.

SULIAP SAQQUMMIUNNEQARNERA:

2021-ip ukiaanerani Inatsisartut aalajangiuppaat, kommunit Naalackersuisutulli naatsorsuuserinermi teknikkikkut sanaartornermut- aamma iluarsartuussinernik aningaasaateqarfimmik pilersitsinissamat periarfissaqalissasut.

Sanaartormut- aamma Iluarsartuussinernut Aningaasaateqarfik missingersuusiaatsimut naatsorsuusiaatsimullu aningaasaateqarfiuvoq kommunip karsianut ilaatinneqartoq. Tassa imaappoq aningaasaateqarfik sutigut tamatigut pingaassutsimigut Nunatta Karsianut naleqqersuunneqarsinnaavoq, soorlu aningaasaateqarfimmi aningaasat tigorianaat Nunatta Karsiani aningaasanut tigorianaatut ilaasut.

Ukiumoortumik naatsorsuutit aamma sanaartugassanut ilassutitut aningaasaliissutaaratarsinnaasut aningaasaateqarfimmut nuunneqassapput takkulu aningaasaateqarfiup isertitaatut isigineqassallutik. Sanaartukkat tigussaasut naammassineqarnerannut atatillugu Aningaasaateqarfiup aningaasartuutai akiliutigineqartutut inissinneqassapput. Aningaasartuutit Sanaartornermut- aamma Iluarsartuussinernut Aningaasaateqarfimmi naatsorsorneqassapput.

Sanaartornermut tunngatillugu akiliutit nikingassutaat naapertorlugit akiliutit nikingassutaat aningaasaateqarfimmi nalimassarneqassapput. Tamanna isumaqarpoq ilassutitut aningaasalersuinissamik pisariaqartitsineq pisariaarutissamat

Sanaartugassatut pilersaarutit taamaatinneqarnerisa malitsigisaannik aningaasaateqarfimmi aningaasartuut ikinneruffiusut imaluunniit sanaartugassani ataasiakkaani aningaasartuut ikinneruffiusut allat pilersaarutit naammassineqarnerani koommnip karsianut utertinneqartassapput.

Sanaartornermut- aamma iluarsartuussinernut Aningaasaateqarfimmik pilersitsineq sanaartukkannut suliniutinut aningaasaqarnikkut aqutsinermik oqinnerulersitsissaaq. Aningaasaateqarfiup suliniutai pillugit piffissalersukkanik nalunaarusiortoqarsinnaavoq.

Sanaartornermut- aamma iluarsartuussinernut Aningaasaateqarfimmik pilersitsineq, aningaasaateqarfiup suliai pillugit Kommunalbestyrelsimut ukiumoortumik nalunaarusiortarnissamik Ataatsimiititaliamut INUA-nut pisussaaffiliivoq. Pilersaarutit nutaat, pilersaarutit aallartinneqareersut aamma pilersaarutit naammassineqartut unitsinnakkalluunniit pillugit killiffimmik immikkut ittumik nassuiaat imaqassaaq Nalunaarusiaq taanna kommunalbestyrelsimut tunniunneqassaaq, kommunip naatsorsuutai ilanngullugit.

Sanaartornermut- aamma iluarsartuussinernut Aningaasaateqarfiup Ingerlatsineq aamma aningaasaqarnermut aqutsineq pillugu Ilitsersuut malippaa, matumani suliassanut piginnaatitsinissamat pilersaarut ilanngullugu.

ANINGAASATIGUT KINGUNEQAATIT:

Sanaartornermut- aamma iluarsartuussinernut Aningaasaateqarfimmik pilersitsineq sanaartukkannut suliniutinut aningaasaqarnikkut aqutsinermik oqinnerulersitsissaaq. Matumani suliniutinut sanaartornermi atortussanik pilersuisussaqaalernissaaq, suliassamut akimik naammaginatunik naammassinnissinnaasunik utaqqinermi kinguartitsinissaaq periarfissaalissaaq. Taamaaliorneq sanaartukkanut aningaasartuutikinnerunermik kinguneqarsinnaavoq.

KINGUNEQAATIT:

Aningaasaqarnermut immikkoortortaqrarfiup kommunimi aningaasaqarnikkut periuseq atorneqartoq ERP atorlugu aningaasaateqarfik pilersissavaa. Sanaartukkanut aallartisarneqartunut aningaasaateqarfimmi suliniutitut pilersiortorneqassapput.

Aningaasaateqarfimmik pilersitsineq Kommunip kukkunersiuisuanut maluginniaqquneqassaaq.

2022-imi sanaartukkanut aningaasaliissutit aamma sanaartugassatut suliniutit sanaartornermut- aamma iluarsartuussinernut aningaasaateqarfimmut nuunneqassapput.

Inatsit tunngaviusoq:

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq kingusinnerusukkut allannguutilik.

SULIAP SULIARINEQARFIA:

Suliassaq Ataatsimiititaliaq Inua-mi aamma Kommunalbestyrelsimi suliarineqassaaq

INASSUTEQAAT:

Qullersaqarfik Ataatsimiititaliaq Inoqarfimmut ima inassuteqarpoq:

- Kommune Qeqertalimmi Sanaartornermut- aamma iluarsartuussinernut Aningaasaateqarfik pilersinneqasasooq
- Aningaasaateqarfimmik pilersitsineq pillugu kommunip kukkunersiuisua ilisimatinneqassasooq
- Sanaartukkanut aningaasaliissutit aamma 2022-imi sanaartukkanut aningaasartuutit aningaasaateqarfimmut nuunneqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasooq

ILANNGUSSAT:

soqanngilaq

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

--

Suliap nr.	22-019	Ilanngussap normua	19	Journal nr.	
Eqqartugaq	22-019 Upalungaarsimaneq pillugu ataatsimiititaliamut ilaasortassamik ataatsimik qinersineq				

EQIKKAANEQ:

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31, imm. 2 naapertorlugu ataatsimiititalianut ataavartunut qinersereernerup kingorna, kommunalbestyrelse ataatsimiititalianut allanut, suleqatigiissitanut, siulersuisunut il. il. kommunalbestyrelse ilaasortassamik qinersisussaavoq.

SULIAP SAQQUMMIUNNEQARNERA:

Kommunalbestyrelsi 3. Maj 2021 inissitsiterluni ataatsimiinnerani upalungaarsimanissamut ataatsimiititaliamut toqqaanermini uku toqqarpai:

- Borgmester Ane Hansen
- Klaus Lundblad
- Nikkulaat Jeremiassen

Sinniisussallu ukut:

- Bia A. Broberg, Klaus Lundbladimut sinniisussatut
- Aqqa Samuelson, Nikkulaat Jeremiassenimut sinniisussatut

Upalungaarsimanissamut ataatsimiititaliaq

Siulersuisut minnerpaamik arfinilinnik ilaasortaqaartussaavoq, taakkunanga kommunalbestyrelsimi toqqarneqassapput:

- Kommunalbestyrelsi sinnerlugu sisamat, taakkunanga pingasut kommunalbestyrelsimi ilaasortaassapput, ataaseq kommunalbestyrelsimi ilaasortaasariaqanngilaq.
- Suliassaqaarfik Inoqarfimmi, teknikimut tunngasumik sulialik ataaseq.
- Qulaani taaneqartut saniatigut kommunimi upalungaarsimanissamut pisortaq aamma Kalaallit Nunaani Politimesterimit toqqarneqartoq ataaseq.

Kommunalbestyrelsimi ilaasortaasimasoq Nikkulaat Jeremiassenip, kommunalbestyrelsimi tunuarmat, upalungaarsimaneq pillugu ataatsimiititaliami ilaasortassamik nutaamik toqqaasoqarsimanngilaq. Nutaamillu toqqaasoqaqqinnissaanut suliaq saqqummiunneqarpoq. Saqqummiunneqaqqinnerani teknikikkut suliaqartumik aamma toqqaanissaq ilanngullugu inassutigineqarpoq, takuuk § 5 imm. 2 Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersumi takuuk § 5 imm. 2.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq

SULIAP SULIARINEQARFIA:

Kommunalbestyrelsi.

INASSUTEQAAT:

Kommunalbestyrelsi qinnuigineqarpoq:

- Upalungaarsimanissamut ataatsimiititaliami ilaasortassanik kommunalbestyrelsimi ilaasortat akornanni ataatsimik, Nikkulaat Jeremiassenip toqqagaaffigisimasaanut nutaamik toqqaassasoq, aamma suliassaqarfik Inoqarfimmi atorfilimmik ataatsimik toqqaassasoq.

ILANNGUSSAT:

Soqanngilaq.

AALAJANGERNEQ:

--

ILISIMATITSISSUTIT

Suliap nr.	22-020	Ilanngussap nr.	20	Journal nr.	
Sammisaq	22-020 Immikkut qinnuteqaat innarluutillit pillugit naalackersuisoqarfimmut nassiunneqarpoq				

EQIKKAANEQ:

Immikkut qinnuteqaat Meeqqat, Inuusuttut Ilaqutariinnullu Naalackersuisoqarfimmut nassiunneqarpoq, Kommune Qeqertalimmi innarluutillit siunnersuisooqatigiit katitigaanerannik isumaginnittussamut.

SULIAP SAQQUMMIUNNEQARNERA:

Kommune Qeqertalimmi allattoqarfik neriuteqarpoq 2022-mi maajimi ataatsimut meeqqat isumassiorfiannut, innarluutillit siunnersuisooqatigiivnut aammalu utoqqaat siunnersuisooqatigiivnut qinersisoqassasoq. Innarluutillit siunnersuisooqatigiivnut utoqqaallu siunnersuisooqatigiivnut ileqqoreqqusat nutarternissaat pisariaqarsimavoq. Utoqqaat siunnersuisooqatigiivisa meeqqat isumassiorfiannut qanillinerat akornutaasimanngilaq. Kisiannilu innarluutillit siunnersuisooqatigiivnut katiterineq inatsimmi allaaserineqarpoq. Taamaattumik allattoqarfik naalackersuisoqarfimmut immikkut qinnuteqarpoq innarluutillit siunnersuisooqatigiivisa katiternissaannut.

Kommune Qeqertalik najukkami aqutsinermik kissaatiginninneq tunngavigalugu pilersinneqarpoq.

Allaanerumik aqqissuussineq, inatsit aqqissuussamik aqutsinermut qanganisarsioratumik tunngavilimmut tulluarsarniarnera unammillernarsimavoq.

Sumiiffinnit sinniisuutitaqarnissat naammassiniarlugu aammalu sunnioqataasinnaatitsiniarluni Kommune Qeqertalik ukiarmi Meeqqat Isummorsorfiannut qinersititsivoq. Qinigassanngortittut qinersisartullu Meeqqat Isummorsorfiannut qinersinnginnermi nassuiarneqarput, qinigassanngortittullu ima immikkoortiterneqarlutik qinerneqarput: Aasiannit meeqqat sinniisaat marluk (illoqarfinit allanik pingasoriaammik amerlanerusunik innuttaasulik), aamma illoqarfinit allanik sinniisoq ataaseq, katillugit meeqqat qinikkat tallimat.

Ilusiliusaq taanna oqartuussaassuseqartitsisuuvoq Kommune Qeqertaliullu najukkami sunneeqataasinnaanermut kissaataanut tulluurtuulluni.

Taamaattumik inissiineq kissaatigineqartoq inuit innarluutillit siunnersuisooqatigiivisa tulleriinneri:

Aasiannit ilaasortat marluk (kiisalu sinniisussat)

Qeqertarsuarmit ilaasortaq ataaseq (kiisalu sinniisussaq)

Qasigiannuanit ilaasortaq ataaseq (kiisalu sinniisussaq)

Kangaatsiamit ilaasortaq ataaseq (kiisalu sinniisussaq)

ANINGAASATIGUT SUNNIUTISSAT:

- Aningaasatigut sunniutissat pioreersut iluanni.

SUNNIUTISSAT:**INATSISITIGUT TUNNGAVIK:**

Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersumut, § 69, imm. 4

SULIAP SULIARINERA:

Kommunalbestyrelse

INASSUTEQAAT:

Pisortaaqatigiit *innersuussutigaat Kommunalbestyrelsip* ilisimatitsineq tusaatissatut tigussagaa

ILANNGUSSAQ:

Ilanngussaq 20-01 Immikkut qinnuteqaat kal aamma da

AALAJANGIINEQ:

--

Suliap nr.	22-021	Ilanngussap nr.	21	Journal nr.	
Sammisaq	22-021 Borgmesterip kommunalbestyrelsi sinnerlugu aalajangernera pillugu ilisimatitsissut				

EQIKKAANEQ:

Borgmesterip kommunalbestyrelsi sinnerlugu aalajangernera:

Ulloq	Suna pillugu
16. marts 222	Kommuni Qeqertalimmi qassusersorluni qaleralinniarnep sivitsorneqarnissaanik qinnuteqarneq

Suliat saqqummiunneqarnerinut tunngasut ilanngussatut ilanngunneqarput.

SULIAP SULIARINEQARFIA:

Una Kommunalbestyrelsimut ilisimatitsissutaavoq.

INASSUTEQAAT:

Allattoqarfimmiit kommunalbestyrelsimut inassutigineqarpoq ilisimatitsissut tusaatissatut tiguneqassasoq.

ILANNGUSSAT:

Ilanngussaq 21-01 03-2022 16-03-2022 gl formandsbeslutning

Ilanngussaq 21-02 NAPP allagaqaataa

Ilanngussaq 21-03 KAPP allagaqaataa

Ilanngussaq 21-04 Kommunalbestyrelsemi ilaasortap ilaliinera

Ilanngussaq 21-05 Naalakkersuisoqarfimmut allakkiaq

AALAJANGERNEQ:

--

Suliap nr.	22-022	Ilangussap nr.	22	Journal nr.	
Sammisaq	22-022 Piffissami februar 2022-mi naatsorsuutit pillugit ilisimatitsineq				

Eqikkaaneq:

Ilisimatitsinermi matumani Kommunalbestyrelse piffissami februar 2022-mi naatsorsuutit tiguai.

Suliap saqqummiunneqarnera:

Kommune Qeqertalik nutaamik aningaasaqarnermut systemimik atuutsitsilerpoq. Systemimi isertitat aningaasartuutillu nalunaarsornerini suli kukkuneqartarpoq. Isertitat aningaasartuutillu nalunaarsorneqarnerinut atatillugu naatsorsuuserivik suli iluarsaassivoq. Sulisunut nalunaarsuinermit akisussaasunut ilitersuummik suliarinnittoqarpoq, taamaalilluni kukkunerit annikillisinneqassallutik.

Kvartalikkaartumik naatsorsuutit suliarineqassapput, qaammammi martsimi naatsorsuuserineq matusimalerpat.

Aningaasatigut sunniutissat:

Soqanngilaq

Sunniutissat:

Soqanngilaq

Inatsisitigut tunngavik:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsinermit aningaasanillu aqutsinermit ilitersuut, Kommune Qeqertalik, 01.01.2018

Suliap suliarinera:

Ataatsimiititaliaq Inua piffissami naatsorsuutit pillugit ilisimatinneqartassaaq, Ingerlatsinermit aningaasanillu aqutsinermit ilitersuut naapertorlugu.

Inassuteqaat:

Qullersaqarfiup Kommunalbestyrelsimut inassuteqaatigaa:

- Piffissami naatsorsuutit tusaatissatut tiguneqassasut.

Ilangussaq:

Ilangussaq 22-01 Piffissami februar 2022-mi naatsorsuutit

Aalajangiineq:

--

ATAATSIMIINNEQ NAAVOQ:**ATSIORFISSAQ:**

Hansen, Ane

Lundblad, Frantz

Broberg, Bia A.

Nathanielsen, Karl Thue

Aronsen, Hans

Lundblad, Klaus

Kristensen, Niels

Larsen, Mariane S.

Jeremiassen, Kristian

Heilmann, Simigaq

Kristensen, Naja

Jeremiassen, Nikkulaat

Sandgreen, Enok

Samuelsen, Aqqa

Frederiksen, Ole I.
